

# ***Akhlaaq wanaaga iyo fadliga ay leedahay:***

Allaah ayaa mahad mudan, naxariis iyo nabad gelyo rasuulka korkiisa ha ahaato

Waxaan walaalahayga muslimiinta ah usoo gudbinayaa hadal kooban oo kusaabsan akhlaaqda wanaagsan iyo fadligeeda.

Waxaan shaki ku jirin ahmiyada ay leedahay akhlaaqda wanaagsani iyo heerka ay ka taagantahay diinteena islaamka.

Hadaba in taynaaan ka hadlin wanaaga ay leedahay iyo qiimaheeda, waa maxay akhlaaq wanaagu ?

Culimada islaamku waxay u qeexeen akhlaaqda wanaagsan qaabab kala duwan, markaa waxaynu ka dooran kuwa ugu balaadhan ee ugu faahfaahsan

1- waxay ku fasireen culimada qaarhood in akhlaaqda wanaagsani tahay:

Samafalka oo lala yimaado, dhibta oo lala joogsado, dhibta oo loo dulqaato:

Waxa hadalkaa macnihiisu yahay akhlaaqda wanaagsani waxay kusoo urur santahay in lagaa helo sedex arin, oo kala ah:

- 1- in aad dadla u sama fasho oo aad wanaaga u gasho.
- 2- In aad dhibtaada dadka ka haysato oo aanad dadka dhibin, af iyo adinba.
- 3- In aad u dulqaadato dhibta dadka kaa soo gaadhaysa.

2- waxay culimada qaarkoodna ku fasireen akhlaaqda wanaag san in ay tahay:

In aad xidhiidhiso cidii ku jarta, oo aad wax siisi cidii ku siin wayda, oo aad saamaxdo cidii kugu gardaroota.

- 4- waxay yidhaahdeen culimada qaarkood: akhlaaqda wanagsani waxay ku taagan tahay shan tiir, oo la, aantood ayna ku suuro gela hayn, waxayn kala yihiin:

1- adkaysiga amaba sabirka .2- dhawrsoonaanta. 3- geesinimada. 4- garsoorka ama cadaalada.

Waa maxay fadaaisha iyo wanaaga akhlaada wanaagsani ku leedahay diinteena ?

Akhlaaqda wanaagsani waxay leedahay wanaagyo badan oo qofku ku helaayo if iyo aakhiroba.

Akhlaaqda wanaag san qiime heedu aad ayuu u sareeyaa xaga diinteena suuban,

Hadaba sikooban ayaynu u sheegaynaa fadaaisha akhlaaqda wanagsan :

- 1- ugu horayntii akhlaaq wanaagu waa fulin iyo ku dhaqanka islaamka, waayo ilaahay ayaa ina faray akhlaaqda suuban, sida ilaahay yidhi :

(خذ العفو وأمر بالعرف وأعرض عن الجاهلين) (الأعراف، 199)

Aayada ilaahay wuxu ku ururiyay akhlaaqda wanaag san oo uu ina farayna in laynaga helo.

- 2- akhlaaq wanaagu waa adeecitaan la adeecayo rasuulka , rasuulkeena -amaanta allaah iyo nabad gelyadiisu hakor ahaatee- ayaa ina farar akhlaaqda wanaag san, sida ku sugan inu yidhi :

(وخالق الناس بخلق حسن ) أخرجه أحمد والترمذي.

Wuxuuna ina faraya rasuulku in aynu dadka akhlaaq wanaagsan kula dhaqano.

- 3- akhlaaq wanaagu waa ku dayasho lagu dayano rasuulkeena suuban, waxa rasuulku uu ahaa dadka ka ugu akhlaaq wanaagsna, cid la hiigsadona waxaa ugu sharaf badan rasuulkeena- korkiisa amaanta alle iyo nabad gelyo ha ahaatee.

- 4- akhlaaq wanaagu waxa u keena in qofka kor alle u qaado darajadiisa, sida rasuulku yidhi: ( إن العبد ليبلغ بحسن خلقه درجة الصائم القائم ) أخرجه أبو داود

Waxa xadiisa macnihiisu yahay; adoonku akhlaaqda wanaagsan waxa uu ku gaadhaa darajada qafka sooman ee tukanaaya habeenkii.

- 5- akhlaaqda wanagsan waxaa lagu galaa janada, waxaa rasuulkeenu yidhi :

(وأعظم ما يدخل الناس الجنة تقوى الله، وحسن الخلق) أخرجه الترمذي وغيره.

Waxa macnaha xadiisku yahay, waxa ugu wayn ee janada lagu gala cabsida allaah iyo akhlaaq wanaaga.

- 5- akhlaaqda wanaag sani waxay keentaa in loo dhawaado fadhiga rasuulka maalinta yawmal qiyaamaha. Sida rasuulku sheegay:

(إن من أقربكم مني مجلسا يوم القيامة أحاسنكم أخلاقا )

Waxaa idinku dhawaan shiiyo badan agtayda malinta dambe ku wiina ugu akhlaaq wanaag san.

- 6- akhlaaqda wanaag sani waxay cuslaysaa miisaanka qofka maalinta yawmal qiyaamaha ,sida rasuulku sheegay,

( ما من شيء أثقل في الميزان يوم القيامة من حسن الخلق) أخرجه أحمد.

- 7- akhlaaqda wanaagsani waxay kordhisaa cumriga, waxayna camirtaa daaraha, sida ku sugan xadiiskan : ( حسن الخلق وحسن الجوار يعمران الديار، ويزيدان في الأعمار) رواه أحمد )

8- akhlaaqda wanaagsan quluubta dadka ayaa lagu kasbadaa.

9- akhlaaqda wanaagsan qofka ceebihiisa ayay asturtaa.

10- akhlaaqda wanaag san dhibta dadka ayaa lagaga badbaadaa.

Fadaaisha akhlaaq wanaag wax la koobi karo ma ah,

Akhlaaqda wanaag san fadaaishiisu way badantahay, wax lakoobi karna maha,

Waxaa haboon in la is waydiiyo akhlaaqda wanaag matahay wax la kasban karo mise waa aabuur ?

Dad badan ayaa aamisan in akhlaaqda wanaag sani abuur tahay oo aan la kasban Karin, taasina waa fikrad aan sax ahayn, way jirtaa in akhlaaq wanaagu abuur u yahay dadka qaarkood, hadana waa wax la kasban karo oo laysku beeri karo, sidaa darteed ayay ilaahay faray in lagu dhaqmo oo rasuulku faray, wax aan suurto gelayna la isma faro,

Markaa ku dadaal akhlaaqda wanaag san waad heliin oo waad ku tilmaamnaane.

Maxaa lagu helaa akhlaaqda wanaagsan hadaba?

Waxaa akhlaaqda wanaag san lagu helaa arrimo badan, oo ay ka mid yihiin:

1- baryada rabbi, ilaahay in laga baryo akhlaaqda wanaag san, ilaahayna wu kaa ajiibayaa.

2- in nafta lagu la dadaalo akhlaaqda wanaagsan iyo ku dhaqan keeda.

3- in lala xisaabtamo nafta, oo xadhiga loo sii day nee lagu soo dabaalo akhlaaqda wanaag san, taxuna lagala xisaabtamo.

4- in loo fiirsada midhaha wanaag san ee laga gaadhaayo akhlaaqad wanaagsan ee ay leedahay.

5- in loo fiirsado dhibta iyo cawaaqib xumada akhlaada wanaagsan.

6- in naftada laga saaro aragtida ah in aan akhlaaqdu is bedalin.

7- in doonida qofku sarayso oo arrimaha sare uu hiigsado .

8- in dadka diinta toosan iyo akhlaaqdaba lala saaxiibo.

9- cilmiga sharciga ah in labaroto.

10- in dadka akhlaaqda iyo diin xun laga dheeraado.

Muuqaalada akhlaada wanaagsan ay leedahay:

Waxaa kamida muuqaalada akhlaada wanaag san ay leedahay arimahan soo socda:

1- adkaysiga ama sabirka, sabirku wuxu keenaa in dhibta loo dulqaato oo aan la aar goosan.

2- dhawr soo naanta, oo macnaheedu yahay in nafta laga dheereeyo waxii xun ee xumaan keenaya hadal iyo falba.

3- geesnimada, waxay nagta ku beerta in wanaag lagu dhiirado, xumaantana ladiido.

4- cadalada ama garsoorka, waxay keenaysa in qofka arrimihiisu dhexdhexaad noqdaan, oo iska ilaali xad gudubka iyo gabood falkaba.

5- dulqaadka.

6- in laga jeesto dadka aqoon laa wayaasha ah, oo aan la dhex gelin wax ay ku dhex jiraan.

7- cafiska iyo saamaxaada.

8- deeqsinamada.

9- sama falka.

10- cadhada in laga dheeraado oo aan lafulin.

11- muranka in laga dheeraado.

12- debecsanaanta

13- runta

14- beenta in laga fogaado.

15- tawaaduca ama dadka in aan layska waynaysiin.

16- in laga dheeraado dadka in la caayo ama la af lagaadeeyo.

17- xishooda.

18- furfurnaanta, weji furnanta.

19- salaanta oo la faafiyo.

20- dibta in aad dadka ka haysato

Ugu dambayn; akhlaaq wanaagu waa waxyaaba loo baahanay in layna ga helo, si aynu ugu toosnana diinteena oo dadka kele ee aan islaamka ahayna inoogu soo hirtaan,

Qofkasta waa in uu naftiis dib ugu noqdo oo akhlaaqda wanaagsan kusoo dabaalo,

Bulshada waxaa ku dhex faafay akhlaaq xumo, waa in lagu bedelo akhlaaq wanaag

Ilaahay akhlaaq deena ha wanaajiyo

**Qore: Muuse Tarax**

